

畏齋薛先生藝文類稿

畏齋薛先生藝文類稿卷之十二

南京戶部郎中門生徐材編輯

戶部郎中門生沈奎校正

時務

處置南贛事宜呈請軍門題准疏畧三條

一請城黃鄉設巡檢司

畧云謹按本道所管轄地方俱係江湖閩廣邊界去處
高山大谷接嶺連峯昔人號爲盜區然其最劇莫如黃
鄉新民其地屬贛之安遠名雖一鄉實比大縣中間大
帽一山環遶三百餘里正德年間已前大盜如李四子
張時駐張仕錦何積玉朱貴強風等恃險憑高巢窟其

中因而剽掠居民攻陷城邑害及四省未暇悉陳至如江西地方從信豐瑞金雩都而下以至萬安新淦皆陸續陷沒則其劇可知矣最後有葉芳者自廣東程鄉入并諸賊而有之有衆七千分爲七哨自號滿總言滿有其衆也先任巡撫都御史周南度未易破因而招撫至於都御史王守仁用以平桶崗平剡頭平宸濠之變雖多賴其功然驕橫頗甚不受約束其後兩廣提督都御史姚謨奉命征岑猛調至中途一嘯而散無狀至此積習使然也葉芳故後其兄葉廷春代領其衆比年以來肆暴尤甚本道未至前三月旁縣居民被其逼竄縣城者百七十餘人縣官惶惶朝夕防其爲變本道委官授

策擒斬渠魁并其子葉桂葉材及捕獲黨與呈解軍門
正諸典刑選葉金爲千長撫定其衆又選葉金子入學
以安其心各民始知向背去年賊首曾祖華擁衆三百
餘人出而搶掠與葉金爭爲千長本道設策因而誅之
并頭目人等及葉芳子葉松捕諸黨與併首級齎解到
道本道因諭以朝廷德威各民且喜且懼咸願修築城
堡添設官員以統攝地方爲之保障本道度事理可行
因訪諸知事者咸云築堡有三利隄備有軍兵則昔年
強梗之徒有所嚴憚而不敢爲惡一利也畱此一種人
以爲江西門戶則惠潮諸賊不敢深入二利也各賊所
最憚者黃鄉土兵在外有官兵護其妻子旣無內顧之

憂且不敢生事三利也往年諸賊迭相盤據而官軍不能制今日不煩一卒而各賊以次授首各民自願更化失今不爲求圖卒有奸人復踵故習并葉金之衆而有之雖動輿大衆綿歷歲時未易圖也况各新民已有業產妻子不比往年流劫無定如遂爲之設巡檢司築塔堡添隄備以弭其變而又立小學以化其俗誠圖大於細計之得者也本道又細訪地方人等所言亦各相同具呈軍門委瑞金縣知縣趙勲贛州衛千戶楊忠督帥各民前去相度地名田背者築砌墻圍畫基蓋屋卽遷葉金入居其中地方已定人心已安更若爲之奏請添設巡檢一員鑄印選官仍移安遠隄備之兵駐劄其地

與弓兵相兼防守并賜與司名堡額以爲永圖則有要而贛州以南可得精兵數萬一旦有事因而用之偃草破竹之勢也

一請城羊角水

畧云謹按羊角水者接壤廣東之惠潮福建之汀漳諸寨峒賊欲過江西必從此入從此而西則經長沙營以犯南贛從此而北則經會昌以犯吉撫諸郡縣譬諸戶限住來所必由也先年置堡瞭望屬之會昌千戶所亦專爲江西而設緣置堡之初主於瞭遠未暇慮及民居其地有居民千家悉置堡外堡中居民止有戍軍五十人每賊一至僅足閉門自守居民咸逃避山谷賊

肆行劫掠飽其欲而後犯諺郡縣本道近。歷其地堡
旁居民周廷試等泣訴自成化年間至今被賊焚劫七
十二次舊民存者止有三分之一。目今遺黎願出力爲
朝廷更築堡城以衛民居庶幾室家有託萬一有事願
爲盡力保守本道因思古之作事者因民則易成有備
則無患今利害如此而民又樂爲之一無便于此者况
民居依堡則顧家之念重因而用之皆勝兵也幸有小
倣自可捕獲萬一有大寇堡中之人足自保守上之可
以相度機宜擣其巢穴下之可以聯絡聲勢遏其奔衝
賊欲入則狼顧恐吾之誡其後欲掠又無以資何異坐
守門戶而室家偃然者上兵伐謀其此之謂乎具呈

門疏請外隨行委坐營指揮謝敕贛州府推官林天度地形爲之凡築城二百餘丈至今民賴以安云

一請築長沙營堡遷巡檢司居之

畧云謹按贛之長沙營設於成化十九年先以會昌賊朱紹綱反叛朝廷命總兵官率兵討平之始以其地立營添設守備官一員統兵千駐劄其地每歲奏報率以爲常其地介安遠會昌二縣之間密邇贛之黃鄉關廣之象洞背寨溪南等諸寨洞賊欲犯南贛必從此入當時奏建未爲無意祇緣未曾築有城塹守備官已還不常兼之已後賊勢倡獮孤軍無所憑藉守備官寄居會昌城中各軍散寄民居遂致頽圯不修至今空有隄

備之名而無防禦之實本達到任之日訪知其故具呈
軍門行委守備指揮金恩會昌千戶所千戶石壁相度
地宜修復故壘仍添砌墻垣一百五十餘丈蓋營房設
衙門遷守備官入居其中又思茲地顧險一人守之可
使千人不過屯兵千人感費行糧一千四百石似爲大
冗請量爲處置將千人分爲三班歲輪一班防守二班
留衛所差操有事則三班齊發庶幾舊額不失可省行
糧三千六百石以十年計之可省三萬六千石儲積以
待亦足以備不測之患再照營之東有河口建司一所
設於營未立之前衙門久廢巡檢僦民屋以居止有弓
兵三十人不足爲地方之輕重并欲遷入堡中以軍兵

相兼防守則官有歸着氣勢亦增而地方之保障益固矣

代縣請添官設縣議

直隸常州府江陰縣呈爲陳末議以固海防以裨安撫事據本縣某等鄉里老某人等呈稱伏蒙本縣遵照題請事宜行令某等查議本縣有無何處地方應否添官設縣作速具呈以憑覆查轉達等因思得本縣地方惟有楊舍一帶北負大江南通無錫東與常熟縣福山港相接西去縣治九十里地勢險遠人性獷悍往年官府曾有築城設官之議止因事體重大未敢輕爲奏請因循至今不意去年倭夷窺知此土無備船船福山港運

趨此地及斜橋包巷地方因而深入腹裏及無錫縣村鎮大肆劫掠至今賊所經過之處室廬焚蕩瘡痍未起若使往年官府毋惜小費爲之奏請建立縣治豈有去歲之禍失之於當時悔之於今日已無及矣今幸明文下頒行令某等查議事宜適與往日所議相符如蒙卽爲查覆轉達添官設縣保障地方消弭將來盜賊之患所謂失之東隅收之桑榆某等不勝願幸及照設縣有五利沿海至常熟以上惟福山一港水勢深闊可以船舶過此則沙洲壅淤停舶不便因而立縣控扼要害使蕃舶不敢近一利也縣治旣設則常熟以西本縣以東無錫以北沿江一帶地方增一保障永無蠻夷寇賊之

惠二利也三縣旣安則蘇常二府門戶益固三利也此地江潮流通本爲沃土但以遠於官府習成犷悍若建立縣治束以法度綏之文教可使犷悍變爲循良四利也本縣積年逋負及盜賊賊匪多出此土今割而置之使有管束則糴糧無逋召一憂逃亡無追逮之苦五利也某等又思往年官府亦爲築城工費難於定議今幸已設爲堡工費可省改作無難但恐又有習爲省事之說者謂旣築爲堡不必設縣殊不知此地之堡與他堡不同他堡止於保障一鄉此堡之設直欲保障蘇松控制夷寇非勢尊不足以運鼓舞之神非權重不足以作忠義之氣若止欲循常與他堡一例建立而無官府以

統攝之縣治以綱維之則區區堡民僅足自守安能宣威萬里使夷人不敢窺哉卽此觀之本縣如欲添官設縣以仰承明旨下慰人心遠制倭夷近防盜賊無踰於此土矣卑議上陳未知可否如蒙不棄芻蕘乞爲俯賜詳酌等因案照先爲前事蒙本府帖文開稱云本縣遵行各鄉里老會集查議去後今據開呈到縣又該本職覆查得前項楊舍地方往年上司委有添官築城之議及去年倭夷入寇傷殘三縣地方因此地無備乘虛搗空今各民仰見明旨下行復申前議欲卽於此地因堡爲城添官設縣爲東南地方增一保障委的費省功多一事兩利且於建白內事宜似應從從但地連三界

不免有所割置雖利本縣未知於他縣地方有無損益
相應申請會以裁處本縣未敢擅便伏乞轉達詳示施
行

代閩城請援兵呈子

呈爲乞賜急發援兵以解倒懸以保全東南事照得江
陰縣北枕大江南連太湖西接常金東通兩浙乃留都
之門戶江海之噤喉天下有事由北而南者非得此無
以窺兩浙由南而北者非得此無以窺留都此必爭之
地也去歲倭夷侵擾蘇松卽分一枝至三文浦直搗江
陰意在窺城此時本縣人力猶完糧儲猶備賊不敢近
止於劫掠飽欲而去然而焚戮之餘田野一空加以旱

荒民不聊生盜賊滿野所賴錢知縣撫綏緝捕尚未寧
息不意今歲倭夷復分兩道一道從腹裏趨無錫一道
從江上趨江陰此其窺伺留都彰彰甚明者也自四月
二十一日賊由小縣顧山地方經蕪墅竹塘直趨青陽
青陽本縣之大鎮也商賈輻輳財貨山積賊大肆剽掠
裝載三十餘船驅逐三百餘人行至常熟縣界上此時
三丈浦巢穴被任兵備焚燒已盡餘衆潰而來今江陰
之賊將前項所驅之民盡行殺戮船隻盡行燒毀直趨
無錫攻城不入遂燒却北門復驅掠船隻由高橋至蔡
涇閘出夏港而去鄉民方幸得免又安席而三
文浦之賊已言至矣各縣官民宜加戒備

戮殆盡靡留孑遺四月三十日至本縣東門直趨城下
鼓噪攻城所賴王兵備案臨本縣分布士卒潛伏關外
一壁而起賊遂退走率其黨類二千餘人屯聚蔡涇間
每日分黨四出剽掠本縣地方西抵府城東抵顧山北
抵大江南抵無錫界無遠不到無地不盡或一地而三
四至者有之或一家而三四至者有之麥毀於場不及
歛苗老於田不及時百里之內聞無人煙兼之鄉民俱
聚城內日近萬人填街塞巷饑餓狼藉錢知縣目擊時
艱不勝憤懣統率衆兵爲背城借一之舉不意天時不
順地利不宜一遇賊兵狼兵先遞知縣獨與親兵五十
餘人奮前搏戰馬倒被擒罵賊而死居民震驚合城痛

哭真爲 戈待旦之心不共戴天之志臣奈兵力不足
將領無人耿耿徒懷莫能自振今者賊志益盈徒黨益
衆本月十六日復來攻城王兵備督率弓弩手乘城拒
敵賊中箭而走遂大修戰艦多造雲梯分遣其黨訪常
鎮水道招引三丈浦之衆源源而來本縣百萬生靈如
魚鳥處於網罟之中命在旦夕朝夕望援竟無一至事
之不濟亦可知矣人生有死死何足惜所可惜者江陰
朝破則靖江夕亡若賊屯兵二縣之間上窺留都下包
兩浙竊恐諸公他日之視東南亦猶今日之視江陰也
曷若并兵借力圖存於亡使江陰得全則東南可守之
爲愈乎昔唐人不從重雲雲之請公遂使江淮路

絕宋人不從兩河忠義之請捐中原遂使南北瓜分往
事可鑒利害瞭然伏願俯念留都根本之地東南財賦
之區江陰爲諸郡咽喉一折急撥良將二員一兵萬人
水陸並進星夜兼行救援城保全生命此實社稷之
至計經濟之遠猷某等啣指而行泣血以待伏冀留神
不勝至甚須至呈者

倭寇邑中與王兵憲鑑川論防守事宜三條

一守君山之險

按江陰一城東西南三面皆平地惟北有君山孤險負
江勢可以守今賊已屯聚南關勾引白茅港之黨源頭
而來城中陸路將絕惟北門水路尚通若賊有深計據

君山之險下關城中則我水陸之途也。若此坐困之道
善用兵者致人而不致於人。及今賊勢未齊尚有可爲
慮。見莫若先據君山之巔扼其險要遠可以眺望倭船
使城中知警近可以蓄力養銳與城中爲犄角。且江
昔民船隻不下千人其耆民每名各有家丁三四十
今在江中進不能遏賊之來退不能阻賊之去有與無
等耳。昨聞明見分令一半屯聚在陸田爲得策。但虜處
無險可據。又且無從查考。亦與在船一般。若移之
山與北門團長鄉兵互相應援則氣勢百倍我之時路
雖絕而水路常通進可以攻退可以守此萬全之策也
失此不爲使賊計得行雖韓白不能支矣。其北門團長

亦有身家智畧可用而君山之頂亦有官房道院可居
若令其連夜搬取黃石築壘堡基多運柴米水缸不過
三日事即可辦且又北門居民所樂爲者因人心而爲
之則事易成伏惟留意

一結團保之兵

照得各鄉團結之兵多者至三千餘人少者亦不下千
人但未經揀選類多老弱且素無操練紀律此等遇賊
逃避不暇安望其操刃向敵乎愚見莫若令其十人之
中精選驍勇二人而八人者每人出米一斗供其口糧
如此則千人之中可得精兵二百人口糧八十石今團
長率之擇險要去處屯聚如無險要卽就團長之家或

大戶人家聽其隨便屯聚如武進麻皮橋團長李教家
故事使鄉中老弱婦女屯聚其中倘賊來攻用力保護
如有功者呈官照例給賞如此則老弱得耕不至荒蕪
農業而壯者操練日益精明精兵萬人倉卒可辦推之
他縣一體施行如此而後江南可守矣但恐各團長心
力不齊宜選有分曉官員激以復仇大義分路兼同團
長揀選戒以不得虛文應事查出定行問罪伏惟留意
一嚴選將之法

照得人情困窮而後思奮急難而後思義若在困窮急
難之中雖愚下之夫亦有一得以此見選將之法正不
在有身家豢養肥頭大面人也今之世不患無兵而患

無將不患無將而患選將之無其方選將之法徒言不可用徒力不可恃須韜畧與膂力相兼而所謂韜畧者在觀其言語試之近事果有條理經緯卽是韜畧蓋世多有能言而不能行者然膂力不足則見敵畏縮又不可用古之大將皆身先士卒或以少勝衆謀勇兼之故也伏乞築黃金之臺招募有將畧之人式之以言而驗之以技則將才出矣

糧役議

方今之弊莫甚於糧役糧役之爲弊者何也在上之人不窮其源而治其末流盡廢祖宗成法故也國初定制縣有鄉鄉有都都有畧畧分十甲設里長十人每歲輪

一人爲糧頭九人爲田甲催督一亩之糧期以冬初而徵冬盡而畢如江陰一縣十七鄉三百七十四里該糧頭田甲共三千七百四十人其糧長每鄉一人而已每遇徵收之期此三千七百四十人照甲催徵沿門督併糧之完與不完皆此三千七百四十人之責糧長不與也官府比較止於糧頭田甲不比糧長也糧長在縣供役米貯於倉銀貯於庫不過收完之日領解而已領解之費有官贈有私贈無賠賊之憂也糧長旣無賠賊之憂又無比較之責則人人皆可爲所以嘉靖二十三年以前江陰糧役大戶不致傾產中戶得以保全錢糧亦無拖欠者職此由也自二十三年歲值旱荒長民者不

欲催徵曰吾寧費糧長一家以完千家一時小民翕然
頌德而本年大戶遂至破家數十原其意本憫民之窮
而不知其弊之至於此也弊源一開爭相倣效小民以
拖欠爲當然有司以催科爲欲怨此糧頭田甲不登
糧戶之門而催併無人矣官府比較不及量頭田甲而
止責之糧長於是糧長一名有賠及千金至今日
則一名之費賠及三千有餘矣其故何哉原法之始
壞也大戶猶有存青有力之家人丁猶衆人戶猶服錢
糧猶可徵收拖欠者少所以費及千金而止大戶既盡
輸及中戶朋充或一役三四人多者數十人少人或三
四分或一二分甚至不及分此等之家戶丁既少人

戶又不信服錢糧拖欠者多而官府比較必不可缺則各私自念曰今糧長五年一編爲一會計盡吾之產足賠此會之糧此會產盡則編審不及矣由此甘心賠贓其產不足者或流移或死亡所以費至三千餘兩費愈多而糧愈不完也廼今不及二十年江陰之糧拖欠者不知幾十餘萬矣此後不知又將何如也當道者憂之亦嘗形諸奏章見諸文移如役田如役銀其議論非不深切著明及施之於事有礙而難行者病在不探其原而治其末流失祖之立法之意乎夫民間有田之家其與佃戶若家人父子然不足者賑貸之荒歉者蠲免之猶有逃亡逋負憂若歸田於官其田必不良以官

法治之其佃戶必不堪有相率流移而去耳田畝荒蕪
錢糧無辦勢必責之糧長是又與糧長添苦一倍也此
役田之不可行也江陰之糧平米之外每畝派銀四分
有零數年以年加派日增有工科有兵料幾及六七分
矣如又加派役銀是重困小民使之不堪也作法於貪
弊將如之何此役銀之不可增也夫是二說意非不美
然於祖宗立法之意分毫無與豈非不窮其源而治其
末流之過乎故愚斷然以爲欲釐今日之弊必復祖宗
之法而後可也或疑循習之弊爲日久矣盜憎主人民
惡其上從古已然况通來彌文日繁官府應酬日不暇
給今欲羣聚三四千人而比較之不惟力有不給亦且

勢有不行舊法之復夫乃不可乎殊不知操持有要變
通在人如果欲羣數千人而日比較之誠不可矣獨不
有要可操乎蓋糧之不完者非盡一邑之人皆奸頑也
一圖之中其奸頑者不過一二人或三四人而止爾其
最甚者莫如書手之詭寄然每圖書手不過一人可得
而稽也國家定制每稅三限初限完三分中限完六分
三限通完計三限之終淳良之戶元糧者可十之八九
糧完則田甲不必到官其不完糧應到官者亦不過十
分之一可得而考也爲今日計莫若徵收之初令糧長
公同糧頭里老將一圖之中奸頑素著者與書手之詭
計者報名於官掌印者每限先行比較之責令先完俟

三限將終糧頭田甲之不完糧者方行赴官一齊止
量其拖欠多寡或責治或枷號或充發其逃移死亡者
責令該圖里老稽其田土拘其親屬設法賠贖期於必
完分毫不以累及糧長糧長無賠贖無比較一如舊日
之制何苦而不充哉而吾亦何必盡拘三四千人而比
較之哉此之謂操其要執其樞循舊法而變通之不易
民耳目而宿弊可釐完富可復者也此外尚有須講求
者如荒歉之端先期申報會計之數及期下頒與夫一
切編審釐革之法又在臨時斟酌有非遽數所能盡者
僕林居目擊時弊莫大於此不任杞人之憂竊著之如
右以備司國計者擇焉

兵儲或問

予旣爲糧役議竊又思今日國家當全盛之時而國計邊儲缺乏若此者何也豈果民之頑乎有司之過乎蓋民非頑也加賦太重故也有司非過也勢分於彼不得盈於此也夫賦重則輸雖未足而較之舊額實已足取盈則徵雖未完而較之舊額實已完若之何可以通融處補而使官無催科之責民無逋賦之名哉偶爲吾邑反覆圖惟而得補偏揀弊之方似有可推行者爰用設爲問答以備酌損之宜焉

或問我國家供邊之儲歲額三百三十萬石而蘇松常鎮四府獨當天下三分之一亦云重矣及海上軍興

外之征增至三十四萬八千餘兩以常賦折銀例之是
又幾及百萬石也夫天地生財止有此數造物者不能
一歲而爲二歲之產則理財者又安能一歲而爲二歲
之征哉予應之曰此倉卒之變一時之權耳今海事將
寧當道者必有處矣易不云乎窮則變變則通又云損
益盈虛與時偕行是故善爲政者增其所當增則必損
其所可損然後兩利而無害今此供軍之儲當增者也
藉之他務獨不有當省者乎姑以耳目之所及者言之
有事之可緩而當省者導河夫銀之類是也何也東南
水利其最重且大須用合省人夫動支官銀然後可以
興工者吳淞江白茆港七埔塘是也然皆五六十一年一

開臨時處之亦未爲晚安用儲其費於五六十年之前
乎就令儲之官府歲支日不暇給倘有可緩旋即借支
安能待至五六十年乎若曰各縣水利則遠不百里役
不旬月自有得利人夫可辦此因民所利而利之亦無
事於預征也此事之可緩而當省者也有有害于民而
當省者如前撫院翁公所題革種馬以助軍需之類是
也疏稱江南應天等府寄養種馬甚爲民害因而革之
可省銀二十餘萬兩足裨軍國之用未知曾見施行否
此有害于民而當省者也又有事體相當且無益于民
而可省者如江南馬役之銀之類是也此銀本爲西北
之民養馬供邊而東南無養馬之費故使出財以助之

然今日海上造船之費足相當矣又據北地士夫云此項銀懸隔南北其解與不解完與不完在上者不得而稽察之故所解之銀往往利歸于官而不及于民縱有給者適足爲戶長侵漁之資耳有名無實不若因而革之以寬東南之民此則事體相當且無益于民而可省者也夫此三項銀兩布之簡書昭諸耳目因而損之以供軍儲卽可以足前項之數又况簡書耳目之所不及如編剩如引錢或上供之料有可減免或起解錢糧有可割留不可得而盡知者若通行所屬盡數查出可減者減之可革者革之以彼之餘濟此之乏期於足數而止則常賦不必加而軍儲自可足又何額外之征之足

憂哉或曰不加賦而用足此桑弘羊之說耳吾子之論夫乃近之乎曰不然弘羊之術算舟車征繕錢常賦雖不加而他賦之取不遺纖悉是剥民膏脂朝四暮三之術耳予之所論以彼益此卽其在官者而通融處補之是理財正辭之義也安得以是相方乎問者唯唯而退

庫役或問

或問方今時際清平當道者隨時因革利於民者多矣而獨庫役之革感人之深何也曰爲其累重故也凡僉是役者必千金已上之家有不足則朋充之大縣四名其次三名或二名其費必千金其累必十年凡東南大戶之傾家者大抵皆糧庫之役也今而革之則東南諸

贈林石溪序

予觀古之君子立言垂訓雖爲法不同至其摠發底蘊
俾言言由心而不爲牽合附會之談以有裨于世教則
一而已秦漢以來代有作者此意猶存自經義之學興
取士之法槩以一說則章摹字畫入耳出口童蒙之士
咸能習而通之名爲效法孔孟而心悟之益鮮矣夫道
具于心悟道由心典冊特證心之資耳此心之靈神變
莫測豈訓詁可得而限 法制可得而拘之者耶 甲少
從事章句每讀至大學之格致中庸之靜存動察不能
無疑焉竊意聖門以自知爲明此心之明不失則見聞
多寡似非所論而必欲盡窮天下之物何耶人欲遏矣

天理自存而欲兩用其功不亦贅乎及讀陽明王先生
之說而知致知之爲致良知也戒慎慎獨爲靜合一
之功也始渙然釋怡然順由此引伸觸類漸通所明則
載藉之言取裁于吾心者亦多矣間座以此就正有道
則同志諸友多見諒者而石溪林君信之尤深君董教
吾邑其米也挾書數冊携一童子蕭然官舍之間讀書
每至夜分聲徹戶外以欲盡窮天一之物者然有取于
德之管見每相與論議輒自謂有合焉則又似非校量
間見多寡間者君其得心之益矣乎當道者知君嘗
使視篆靖邑靖邑之民以仁而不忍其違也竣事之
日縣傳鐘君某吳君

臨淮士民之愛乞言于

人漆室之意也

水利事宜三條

疏稿內一條

謹按朝廷財賦出於東南東南財賦全資水利故天下財賦惟東南爲多天下水利惟東南爲急臣生長東南粗知梗槩姑以江陰一縣水利言之本縣濱江立城沿江一帶東西百有餘里外有申港蔡港黃田等港二十餘條導引潮水入內灌溉禾苗內有橫塘河應天河馮涇河山塘等四河橫亘其中受諸港之潮每河又各有小溝百餘條分受諸河之水每日兩潮自諸港而入貫於四河一河之水灌於諸溝故江陰無旱憂如遇潦則

內水從溝而出達於四河自四河而出達於諸港以入於江故江陰無水患此天地自然之利宋蘇軾所謂天不能使之災地不能使之惡者也然潮水多泥沙壅淤亦易諺云一潮一箬言潮過一番則泥沙所積有一箬之高也兩潮兩箬比及一年則河與港遂有三四尺之淤矣朝廷閔念東南於瀕江府縣特設水利佐貳官一員又歲派導河夫銀數千兩專供本縣開濬之費而總其事於兵備憲臣敕令帶管使之歲歲開濬此乃賦稅所出根本所資其事不可一日而不講其工不可一日而不修者自海上兵興以來諸臣奔走戎務不暇而導河銀兩但以供軍且猶不足東閩水利不惟不復講亦

若罔聞知矣以故旱潦無備民日困窮如臣縣有田二十一萬餘頃該田一百十萬餘畝皆資於潮者也使潮水疏通畝收一石是歲收一百餘萬之粟也今水利不修民無所賴如去年大旱子粒不收是歲少一百餘萬之粟也而起運錢糧供軍百費無一可缺當此之時小民捋死不給將何以應之哉所以流移日衆錢糧缺乏者職此由也爲今日計與其求取利之方不若興利之術使利源不窮則取辦有賴而興利之術莫大於水利臣又竊見各省水利俱設有憲臣一員專管而江南財賦淵藪其事反帶管於兵備憲臣日今倭盜未戢軍旅日繁兵備之臣既專心於彼又安能分心於此哉如

臣愚見莫若於各省水利減省去處將彼中水利帶管於貼堂憲臣而移其官於東南使之專管其事其府縣水利佐貳不得別項差委道河銀兩亦不得別項支用仍行令各縣有司查某河該三年一濬某河該五年一濬或七年十年一濬造尺籍申報著爲定式如遇應開之歲憲臣與府縣水利官親臨督視工小者止動就近得利人六工大者許動支道河銀兩如此則民利日興民財自足而錢糧百費取辦有資矣臣之所謂修水利者此也

與巡撫翁公論時務內一條

謹按江陰地方濱江傍山高者極高低者極低本爲濬

土特以疏濬有法江潮流通遇旱則潮水易入遇潦則積水易出民無旱潦之憂故得與他邑並稱樂土邇來水利不修旱潦無備旱則水不得入潦則水不得出如今年之旱小民坐視潮水而不得其入港極目百里皆成草莽糧差安從取辦雖欲不流移不可得也愚見其若行文本縣將通潮之河分別緩急何處該三年一濬何處該五年一濬與十年一濬其河夫就近定得利人民某處起至某處止居民應開某河輪開之歲塘長呈報官府親臨督視令其如法開濬則水利嘗通而旱潦有備仍爲樂土而無流依之患矣

答縣問水利緩急一條

江陰河道有須五年一開者如九里河城河是也有須
十年一開者如青陽河馮涇河桃花港洧港是也有須
二十年一開者如橫河蔡港之類是也有不須開者如
黃田港下港東河之類是也至如應天河山塘河見過
舟楫不甚淤塞須三十年內酌緩急爲之未可預定年
分其施工緩急之序則目前九里馮涇橫河灌田爲多
淤塞爲甚而橫河工費浩大明歲須先開九里馮涇二
河後歲可開橫河其餘河道俟橫河工畢以次修舉則
民不勞而費可辦此外知之不詳想只在二十年三十
年與不開項下其在十年之內者少矣至如溝港之類
民願開者聽其早晚自開官爲減量不可拘以年數則

又不在此例從民之便可也

袁齊薛先生藝文類稿卷之十二

良齋薛先生藝文類稿卷之十三

南京戶部郎中門生徐材編輯

戶部郎中門生沈奎校正

詩

謫官

入垣纔百日去國已三千報主心徒切憂時力尚綿蒼
梧雲擁樹夢澤水連天不禁清霄夢時時魏闕前

采石弔李白

衆人皆汨沒夫子不虛生漢落蒙莊叟淒涼爾正平神
歸江月落氣結海雲橫欲弔知何處芳洲採若英

京口別蕭鶴臯侍御李介堂工部

金山
蕉山風力微來帆去帆如鳥飛
青青蘆葉照江水
送盡南行與北歸

登金山

青山欲渡風吹斷
留得江心此一螺
車馬不來閒歲月
帆檣重過訪煙蘿
雲開吳楚晴光遠
人在星河爽氣多
欲別山僧重回首
此心吾已訂維摩

留雲亭

鬼斧何年削翠峯
天風吹我上鴻濛
人寰已隔三千界
欲躡長虹過海東

擬寒山拾得二首

人言鷗鳥閒
我見亦莽鹵
彈弋滿人間
不能離河許
有

以使。公業口迫飢火信知超此生不被此生苦
目觀肉勝蔬腹量止於飽任目不任腹飽外生醜好至
人飽卽止不被耳目擾四大無一礙飯糗而茹草

登黃鶴樓

長風浩蕩生秋吹獨上高樓思可哀太白不輕崔顥句
老瞞終忌禰衡才樓頭黃鶴悠悠去檻外青山故故來
悵望浮雲重回首古來賢俊幾登臺

過洞庭

浩浩去無邊離懷洞庭水惟有曠度人謫居宜過此李
白衣郎遊賈傅長沙徙千古曾一來江山富文史

遊東林寺

黃葉山頭寺秋風日夕來
飯盂幽鳥下拄杖白雲開
故國尊臚晚清時鐘磬哀
遠公遺蹟在明月照經臺

妙高堂

長風高捲白雲開石壁千尋鳥雀迴
四望羣山齊踴躍不知身在妙高臺

江頭夜宿

江頭秋雨足雲樹四山浮
歐狎輕新浪龍疑失故湫維
舟終夕改沉網不時收
却憶瞿塘下危牽吼萬牛

重過覺林寺

綠陰已滿成深夏野寺重來識舊
僧
緋得山光兼水色
祇應松韻與蟬聲

遊青神岩二首

放棹湘江急看山白日移泉聲流竹細春色上花遲
溪減來時渡梅江去後枝東風如舊識相逐捲征旗
樹色浮岩綠嵐光入瀑清摩崖看鳥跡駐馬問鐘聲
龍護禪初定雲穿巖已生樓臺半空出高處接逢瀛

凌雲山

誰挽滄江起巨靈晴空光律壯雲屏潤分草木涵金碧
高倚赤坤掛日星鳥雀啁花供定佛蛟龍翻浪轉驚靈
蒐裘未衆心相許留語山僧護茯苓

滕王閣送友人之南海

宦遊仍送客覽勝復登樓
劒役清秋外琴樽落照頭
南

中無過鴈海上有浮鷗知爾機心盡期予到十洲

臨江道中有懷蘇舜澤

秋水扁舟去悠然不見君滄江看落日碧樹動離羣日
盡留飛鳥川天故雲新詩可忘味誦爾却脛軍

訪羅念菴不遇

決往那知避地深掛冠高士早抽簪計關社稷已非左
身在滄浪下有心桐口尊鱸新結友山中松菊舊知音
江南江北秋無限興盡山陰何處尋

峽江對日

屏燭延清景揚帆愜勝遊山高峯江靜峽浮秋波
影時搖樹天光不離舟吏情驚落言滿滄洲

觀風八絕

會心景物無多子一抹林霏杳靄間
拄笏肩輿忘遠道却疑爽氣在西山

分得巖泉轉翠微機春香稻落餘飛
相逢抱甕當年者獨自山中汲澗歸

冬原積水高低白野燒肥舍遠近紅山
叟足耕忘世味不應庸調到山中

濃霜殺草應千遍贏得長松紫翠交
只恐有時龍化去兒童相遇莫相嘲

霜清遠近關山角險阨誰何父子兵
桴鼓不聞清漏永居人猶自說陽明

霜清木落四山空
斤斧相尋到葦叢
他日明堂構梁棟
不知何以答宗空

羽蓋翩翩凌白鳥
旌旗獵獵照青山
使君觀省應何事
鎮日青山白鳥閒

已聞六職開周典
猶有三苗梗舜文
江海敢忘經畧志
也行山郭治戎軍

羅岩謁濂溪祠

仲尼曾委吏夫子亦庾中
顯晦千年合瞻依萬古同
絃歌通鳥道蘋藻入雲楓
物理誠如此人心合固窮

會昌閱武

地出雙江外城懸百嶂間
觀風留節鉞講士集貔貅
白

日軍聲靜青原馬力閑何當坐尊俎談笑取天山

吉廨中古檜

彭聃沒已久此檜與誰論
灝氣千年在春風萬里翻
高枝擎日月羣木盡兒孫
若向牛山見應無涕淚痕

董大理璜溪劉亞卿梅谷見訪小集

小壑空明半畝開
轅門無事亦蓬萊
庭中小吏放衙去
花底清陰待客來
曲檻朱簾微越調
北溟秋水志齊諧
太平元老雙和聖
慚愧無能賦楚材

贈選部趙子官金陵

南薰扇溽暑
香色蒲荷蒲
豈不念携手
其如離別何
江聲隨棹遠
天影入吳多
去去金陵道
清時且曳珂

宿諸天閣

小憇留江閣諸天迥出羣清涵滄海月高入翠微雲暝
郭千家隱青崖一鳥分夜深花雨落窺得半空聞

東湖聯句偕應容菴何沅溪王同野

楊柳枝邊金縷催王荷花叢裏玉顏頽應行雲欲度留
歌席薛爽氣微來動酒盃何高士近憐徐穉榻王清譚
遙憶遠公臺薛浮生半日閒行處應草色湖光一笑廻
何

閣影斜侵半夕陽薛柳陰人醉更飛觴何歌檀欲斷魚
還躍王客座頻移荷正香應水郭千家煙樹合薛湖堤
六月露華涼何城烏三五啼頻響王設倚西風覽衆芳

應

初秋讌集蒲谷公署聯句

火雲隨雨盡

岑戎

...

...

...

...

...

...

...

...

...

遙江鴈涵秋影

趙

...

...

...

...

...

...

...

...

...

君軺

薛

玉樹靜沉沉

薛

...

...

...

...

...

...

...

...

...

...

深更亮樓空在

岑

...

...

...

...

...

...

...

...

...

知音

趙

舜澤廨中避暑聯句

清風忽動脩脩竹

薛

...

...

...

...

...

...

...

...

...

憤

薛

...

...

...

...

...

...

...

...

...

...

...

我未然華露漸生庭草合蘇 暝煙和月滿前川薛

繞扇微微灑夕暉蘇 坐銷殘暑竟忘歸清園竹樹庭陰

香薛 香引荷筒候吏稀嘉譙舊傳河朔飲蘇 高懷今息

漢陰薛 機與君莫惜滄江醉薛 幾見流螢點客衣蘇

新秋宴浦谷署分韻用楓落吳江冷得江字

捫蘿理雲岫弭棹凌清江蘭芷闕幽芬芙蓉吐新芳眷
言訪良友開樽坐高堂抽奇藻思流析義羣疑忘維時
火西馳金英歛朱明涼颺何從來颯然生我傍豈不慕
森爽時序忽已更感此燕鴻羽翩翩亦有常立命不自
我何以悲彭殤延知惜陰者薄彼丹霞觴

聞吳雲泉憲副棄官問訊二首

五月江濤壯瞿塘不可行憐君多逸興倚楫自孤征雷
吼黃牛峽雲深白帝城玄猿如有意應嘯兩三聲逝水
不可挽折

吾好藤蘿待

遠忍令猿鶴伴長愁白雲間

七夕分韻得數字

玉衡指孟秋望舒近初度皎皎牛渚心盈盈鵲橋渡銀
河耿不滅精光澹相顧良時信可徵會合豈其數嗟予
學道晚未聞邯鄲步服餌逾卅年翻爲大藥誤欲寄鯨
陽書臨緘愧尺素以茲繾綣懷命駕卽長路道逢同心
者琳琅啓甘露超邀聞風晨邂逅樟門暮緣督匪外營
環中有真悟期爾汗漫遊雲霓結良晤

登城北樓分韻得臨字

落日滄孤嶼遊子生遠心
菰蒲秋渚底樓閣晚山岑
爽氣回千古高懷壯一臨
暮雲紛落葉迸作楚江吟
傑閣光徂暑孤城散遠岑
明霞千室麗秋水一江深
有約堪投跡同來共賞心
夕光渾不定高樹起棲禽

返照分韻得裳字

寥廓高宇含蕭瑟天氣一
夕陽霽澄鮮萬景生秋光
塵寰何鬱紆且復登崇崗
山勢逶迤一一東南翔
翹首望赤城咫尺川無梁
嗟嗟蟬蛸子楚楚炫衣裳
若木不知寶甃歌送清商
人生如浮漚幻化那可常
勲名一蹉跎皓首成悲傷
櫪馬嘶高雲韉囊空不能
返弱水

會須繫扶桑何事矜神理揮戈學魯陽

空城雀

空城雀躍躍閑且都接翅蓬蒿棲鷹鷂胡能戕爾爾
飲爾爾群飛相呼土壤拾蟲蟻歸來哺其雛嚴霜九月
化爲人猶能咏江湖物理有各足適意無羸餘鵬鷖而
南無風不還不如鳬鷺來往隨長波嗟哉蔡子嬰不得
爲匹夫

行雲

雨霽千林靜行雲亦自閑北風吹不盡片片入南山

與楊石二憲長赴飲方傳二閭帥宅

石君磊落千丈松楊子清徹冰壺同與爾作客俱楚甸

騎馬索飲當秋風三閔羽檄翼之北千里尊鱸江更東
高歌滿飲莫辭醉輕裘煖帶有元戎

石城行臺中有長松數株百餘年物也感而賦
此

古解山城裡長松亦自青
樛枝延鶯鷺秀色攬青冥
特立應誰待孤高類有靈
賞心吾與汝羞勒大夫銘

行路難

漢家天子愛年少春風已老顏
生貌假令一粒返朱顏
未必君心同宿好人生得意無後先
踴躍貴賤隨當年
被絺適燕裘適越終身疲苦誰當憐
丈夫墮落多奇氣
千金買得屠龍技
其心不試亦不傳
肯學庖丁矜腕髀

斫取鄧林木剝爲泛海舡
擘浪出天外乘風向日遶手
挽扶棄留日馭令人不夜看
青天吁嗟乎行路難

贈言二首送李中丞臺南

憶昔陪清話今爲十載期
炎方看秉鉞南國許論詩
宇宙頻如已江南祇去思
水雲空濶處獨立望旌旗
舊德誰能似勲名三紀餘
淹留如畏寵貴近不通書
祇命聯台極還家逼歲除
畢榮匡四世公髮未緝如

夏日與諸生夜坐

解組歸耕飽即休此生端不爲生謀
交游海內此青蠅勲業諸君正黑頭
野寺論心終夕坐微風下樹晚涼收
百年高會幾今日莫負樽前明月洲

偕荆川宿白雲堂

每嗟鷓鴣變年芳秉燭携筇夜未央
漏盡客心殊耿耿月明山色故蒼蒼
浮生胥靡真遺土末俗支離轉喪羊
擾擾大千誰夢覺與君聊卧白雲堂

念菴從江右見訪遂約荆川爲橫山之行三宿而別

越北山之山吳南水之水君從山水中結舫來游此怪
底少微星乍入牽牛裡一笑兩相忘清風中座起
心學何 鵝湖浪自猜橫山今日會君亦有心哉佛
法無多子人身不再來離愁并夜雨荆老共徘徊
我魯桐口來離離辨江樹今日江上舟送君去俗

學多支離君才本經濟爲我挽西江

此八同世

雨中登天池絕頂

一步一登泥滑滑千回千上雨霏霏與君直去探龍窟
方是天池夜宿歸

宿玄墓

玄墓朝朝望太湖有無山色輞川圖我來携得真玄墓
君看山光似有無

示諸友

莫將蒼白問頭顱裏山河一物無好景霎時俱屬我
佳言千卷總非吾道造物外騎黃鵠斬截人間作丈夫
聞說葫蘆有新樣不來新樣亦葫蘆

我今何敢望前賢歲晚途遙快著鞭敢以支離輕未學
須從周象識先天潮來浦口風生樹雪霽秋空月滿川
藥物不從身裡得枉教玄牝誤神仙

贈盧子

當年意氣識盧君詩卷相携許卜隣野服已非前日舊
交情更覺晚來親功台騎虎真難下文字雕虫亦喪真
已結擬湖山畔屋肯來雲水伴閒身

三龍溪胡渡南王素菴昆季暨任虞二生月下
見過泛擬湖也

與君南北共西東共泛金波萬頃中此會此湖今有此
同心同學許誰同收將灝氣歸玄牝放出清光滿太空

何物可方金石調南薰一曲舞雩風

胡渡南誦楞嚴玄覺小詩問訊

薨盡沉檀一炷香
檣嚴玄覺兩忘羊
夜來法雨過三界
養得靈株幾尺長

輓醫士承菊潭

萬水東走海黃山
兀其衝達人委元化
蛻骨青崖中近市
能遺俗投針耻
曲躬平生佳致在
採菊莧秋風持此
方寸砭球此萬屋
僵機忘躡屣順觀
化何徜徉真僊古
不死功成侍玉皇
除邪蕪積行不見
許旌陽我有骭骸
疾膏肓不可挽
嬾性寡城市自恨
識君晚有子登我
門風味如食櫝
何以紓遐思裁詞
相哀輓

善卷洞

平生愛結煙霞勝屣脫茲岩恨晚來頻洞忽疑雷雨合
丹青真見盡圖開靈山百萬堪微笑弱水三千祇浪傳
學道未成空老大耻將描寫認蓬萊

玉女潭

清潭一泓碧古木千章蒼泉聲行石竇樹影連山光森
爽鬼神會虛無歲月長攬秀可忘老塵事空亡羊

張公洞

白日豁幽岩春風動蓬島邂逅雙鳳凰招邀張果老石
甕丹砂不計年琪花瑤草尚依然桃源莫道無來路此
是人間小洞天

訪荆川不遇

雨細風斜欵竹扉幽人不在思空違慙來昨夜山中
鳥韻花香不共歸

行止軒

終年面壁原非坐萬里隨緣亦未行芒屨踏將春色破
鳥喧花寂自生成

君方避俗真能止我已忘言却要詩相對不妨同一笑
五湖煙水任鷗鷺

東九

境壓幽趣適湖開塵慮艾浮光生遠樹度雨出輕帆鳥
下雲邊木接垂藤底
甲無不可道
詠能緘

遊牛首山

萬峯叢鬱薜蘿深每處逢僧一話心
世外儘多平穩地
臨深猶似未知音

宿牛首山房

絕頂清秋夜凌虛坐碧空
不愁雲作障明月在東峯

文殊洞

丹崖懸薜荔獨往意何深
豈爲尋彌勒青山寄此心

小星槎

一室卑于斗懸崖鎮日間
敲門知到客推戶即看山鳥
聲虛靜裡牛首翠微間
信是星河近乘槎便可還

三藏菴訪勤上人

閒庭下木葉秋意與禪深獨往逢僧臘清言悟客心
流千佛影皆落萬松陰欲住空無著蒲團擁散衾

登擬峴臺

百尺樓臺空比擬六朝文物幾榮枯人如叔子碑跌少
雲比荆門峴首多凍雨困花春瘦在楚江添漲雪消無
山川有待雄豪盡逸興時敲玉唾壺

九日偕徐訥齋李春林諸友登秦望山時訥齋
有陽羨之行并以爲贈

山靈昔日通秦望此地因名秦望山驅石鞭隨滄海斷
看山人自白雲閒但令佳節常重九何必神僊問大還
聞說江頭烽火靜醉簪黃菊繞籬間

時有俊冠
之譽故云

人間到處誰無事客路相逢亦有緣
落木晴霞秋色裡
清江去棹晚山前不堪短髮還留帽
且共長歌向別筵
流水自行人自住小橋回首故依然

喜雪五首

小憇蒲園覺氣融年來色相已成空
履素自甘從白貴
探玄何處不鴻濛瓊枝綴末千條亞
玉嶺堆尖萬點同
最是西園好松栢不隨羣卉盡寒風

透隙穿虛到處融無端幽思攬長空
冷落稍能輕冉冉
急吹終是密濛濛明添霽色千郊淨
暗卜豐年萬室同
春意總然禁不得
料稍濕處漏東風

不語林居學柳塘
八華謝遣衆緣三
誰將義氏畫六意

散作人

八萬濛寒雀墜枝迷混沌狎鷗翻浪自玄同

兵戈久在

用苦無裨誰能念朔風

稿壤芳拳

融玄雲漠漠四郊空鳥因東咽聲全寂

山爲光搖色

小徑獨穿矜老健虛簷高卧許誰同

信知姑射僊人美綽約肌膚自吸風

天教玄冥布春融萬里炎威掃却空海上瘡痍全未復

人間歌吹若爲濛兒敲米柱誇盈尺農賀來年比一同

我亦願詩吹律管看來不競是南風

小樓新成

小構出塵寰虛明鎮日閒憑欄扶日月隱几盡江山心

事煙霞外生涯卷籍間一枝聊自可不羨玉門關

壽顧兩山

讓王餘故里樂志尚遺風種林連十畝收書擬一同窓
虛清嶂入沼潯碧湖通莫道稀年及紅顏比少童

季秋崖七十

方瞳綠髮氣翛然拄杖凌秋拂紫烟絳縣老人真我是
延陵季子定身前不妨避俗仍棲市且樂還丹得引年
從古崆峒堪問道金閨況已姓名傳

姪延病久得攝生法爲予老境之資喜而賦此
渠今知病亦知僊我欲從渠學引年手種黃精三百畝
相期同住白雲巔

閱呂氏荆花有感

紫色龍從拂翠霞田家荆樹富春華不知可是當年種
依舊君家滿院花

寇退歸田園

雅性愜蔬素所樂非肥甘車馬亦有時徒步終相安竭
來林泉下棲遲踰十年日與灌園叟爾汝相周旋頽然
老農圃寧復知華簪南夷擾鄉村携孥寄城闔妻子提
我耳束帶迎縣官慚汗熱五內欲避如驚猿乃知鷄鵠
性鐘鼓非所便喪亂漸已平飛鳥亦還山吾廬雖煨燼
賴有東臯田茲焉返初服聊以清心顏

生居

生居盈萬間死居纔七尺七尺已有餘萬間何戚戚造

物與我身此身應我役曷以我身故令我不自得斬絕
名利根掃蕩飢渴賊無物我能干首山薇可擲置身清
冷中便是清冷客賢聖霎時成擬議非真識

寇退無居權構小樓鵲巢其棟

落久忘機虛楹鳥鵲依雛成長毛羽不共海鷗飛

胡渡南見示擊正篇口號問訊

聞君有美酒擊正自娛樂我量如天寬欲就君家酌試
問味如何傳自何方藥莫學鄭康成徒然醉糟粕

我亦有美酒擊正堪貯之精一以爲藥醞釀只片時良
方苦難傳相傳自黃虞洙泗最爲真一酌清心脾末世
矜糟丘沉酣醉如泥雲霓與晤者相欺君是獨

醒者當能辨是非

養生

人人俱欲壽造化却停勻你若多些子他人便不均
天生一世入爲了一世事了却便須歸應信生如寄
堯年纔百歲已是倦勤身若說長生好他應怕殺人
顏淵與彭祖觀化偶同還拍手還相笑而今也一般
天公教世人切莫修丹竈了却自家心便是長生道
良心元不死箇箇有心人但得心常在千秋玩却塵

示逢兇四首

小小不知學蹉跎直至今鄉窮師友少歲晚鬢毛侵把
捉終非道皮膚未是心吾衰無及已爾輩莫沉吟

脊梁須硬着宇宙要擔當圓木枕時怕危階習久忘憂
虞心易惺磨鍊德偏光欲到便湏到寧論道里長
人無超俗志只是俗中人學佛湏呵祖希顏定絕塵精
誠蛟虎避恭默鬼神賓汝懦吾憂汝無忘日日新
事師如事我親友即親師豈是邀名者終湏實踐之三
年時易失千古事難期不信看而父子今悔可追

造兒患疹毒詩以解之

內足原無相中通不論年但令心斷斷轉覺脰肩肩蹇
蹇稱唐彦期期說漢賢篠菴吾外氏宅相汝應傳外伯祖傳
菴先生取而垂肩足偏短以故廷試不得第一

擬湖池觀村

千本齒髮謝堅牢愧却楊未夢一毛百口相有蝸角累
三間重構鵲巢勞漫餘花鳥供游興賴有江山借客豪
屈指向平心事了便將家事付兒曹

清溪即事五首

鄧陽東畔鴨沙西草樹連雲路欲迷
宇不知何代氏行人空說古招提

一曲再曲清溪水千朵萬朵桃村雲
村翁盪漿入溪去欸乃一聲穿鷺群

尋思往事覺全非晦跡人間坐釣磯
無奈磯頭雙白鶴每逢歸艇遶溪飛

好雨那堪廿日慳枯槁聲蒲綠楊間
有時荷芷歸來晚

戴得溪頭明月還

如拳小宇立清郊只有煙霞與定交靈鵲不知還有主
却來床畔構新巢

郊行紀事三首

聖曆遙頒四國辰喜逢三十九回新從來百歲人難遇

其茲今開元旦春

時歲首春也

聖主重開嘉靖天五風十雨自年年彌空禾黍皆恩澤
不數周人頌甫田

聖斷如天不可量斬除王直斷妖航書生只說和番好
誰信和番誤漢唐

遊石解山

久矣江南此棧材何年移置此江隈懸知
尺魯驅去
應有僊人爲踏來潮落晚風鷗篆改煙銍
日唇樓開
便須借爾凌波去尋取支機月下回

水南有詩來用韻奉荅

梁虹跨海此爲材倩得天丁斲石一鯨吸百川升復下
鵬喙六月去還來偶逢勝友琴樽合况復清秋釣艇開
公是蓬萊補天者莫將來夾右馭風回

再和石灣沈子用前韻

自古神人貴不材此材綠此棄江隈厓斷出雲文辭入
洞深蒸雨伏龍來飄提似得飛仙術蕩漾真堪笑口開
清絕定非凡骨到固宜俗駕自能回

春仲陽羨舟中遇雪五首

野艇朝從溪上回，溪山刻削玉成堆。
天公解我看山意，不放纖埃到野梅。

青帝回陽到草根，人間紅紫欲分春。
都教散入瓊瑤窟，剪刻新粧一樣勻。

三十年來一獎裘，冒寒衝雪卧孤舟。
眼前何物堪方比，只有松筠共白頭。

煮雪爲茶雪亦香，頓令和氣滿肝腸。
莫訝鼠腹無多子，分得春光到草堂。

承明玉色照彤墀，記得承恩煖耳時。
黃門仙子來何處，一笑相逢共酒卮。

中途值李給事連江

畏齋薛先生藝文類稿卷之十四

南京戶部郎中門生徐材編輯

戶部郎中門生沈奎校正

詩

興國寺浮圖合尖梓人運巨木如舉一羽水南
有作和韻二首

金輪突兀俯層空混沌誰開建大雄紫氣切雲連斗極
碧虛浮影透窓籠祇園再覩千年勝太史應書第一功
瞻禮忽如千手目諸天圍繞翠微中

女媧補天餘一木晉與吾邑支浮圖青天一角贅莫極
丹梯萬丈金盤植佛力况薰神宰運彩筆更仰高賢俱

只恐雙鳬忽飛去鈞天拱聽俞還都

水翁再以詩來用前韻奉荅

無端色相立遙空影落東溟壓萬雄日閃金光開照耀
風傳簷語韻玲瓏人間誰識湏洎果老去方知定慧功
怪底坡翁留玉帶至今名著相輪中

悟空寺塔工完王仲山僉憲王丰南道長各以
詩來依韻奉荅各四絕

大江東下此同心價上浮圖更幾尋幾度臨風憶高調
忽傳清響到禪林

三生石上幾吟風曾向瑤池又悟空不信憑君問疑始
前身可是鹿皮翁

諸好俱絕爰構小樓三間靜居默念覺得往時種種
業緣種種嗜好皆是我本真祇緣一念增加遂成訛
異乃今掃盪得返真常譬如久客得歸欣然自足又
如病者得復真體如如先聖有云得明喪朋莫非有
慶非虛言也因憶我友荆川子奉別經年艱于一會
雖有奇寶獻之靡由爰賦短章用寄遐想

寇盜何充斥焚如靡孑遺喪朋終有慶遇雨得亡疑四
顧星河迥重來草木滋緣空悟諸有臭腐即神奇
絕無同俗好宇宙合誰親只有雪山近相招便角巾已
知甘陋巷肯復向平津白首能憐我如君是一人
犬馬推予齒君今賡亦班百年纔幾許一會是何慳高

懷元物外輕舉合人間何必丹崖裏蒼蒼未易攀
良才不隱世孔孟故依依叢桂雖云可柴桑詎忍違
存須聞素履只庭闈此情吾近取君說是耶非

倭寇薄城被傷而死者百二十餘人既買地西
門葬之因吊以詩

衆生生亦死爾死死猶生斜日豎陽道秋風薤里情蓋
棺時草草掩骼我惺惺知爾餘英氣椒漿酹九京

國殤已葬而祀典未行詩告縣大夫

吾邦遭不造倭寇滿江南賈勇人爭奮臨危死自甘無
歸聊爾掩不祀禮何堪倡義公庭事高賢我爲談
錢侯遇寇馬卒揚成衛之以身并遇害

良知原不隔勇烈見楊成有役聊從口無求肯有生英
靈面赤日風雨慘長汀千古誰知爾丹青爲紀銘錢尹
死事時頃刻間風雨晦冥天地變色

喜雨

誅求連歲苦聲微帝心嗟好雨能依節良苗正著花
貼溪翻舞燕綠壁動粘蝸豈爲朝餐喜流離未有家

七月七日大風

南風信意作遠勢劇飛翻茅捲過頭頂樓搖撼脚根推
窓無主客倒枕任乾坤片片雲歸去堆藏到北村

鶴巢爲風所墮詩以唁之

仙鶴巢松頂孤高勢亦危月明空自好風急詎能支
夜

宿今何處朝歸尚有期吾生同病者懷亦未安枝

庠師暨通邑諸友以予六旬持文稱觴爲壽小
詩致謝

老去難諧俗年來每閉關敢勞通國彥垂訪一廬間酒
旨深于海詞高重若山蓬萊真有路愧我未能攀
朽拙那堪數諸賢好德心高軒能枉駕流水自知音未
有瓊瑤報難忘蘭蕙馨真辭今夕醉秋色在高林
且樂長生飲仍憂未死年莫教形媿影共勉後如前世
熊浮雲改人生湛露消祈延自有道金石未云堅

人生

人生如著籍有形輟制之運盡驅之去不分賢與愚從

古以閱今誰其能免歟吾聞闕風巔松喬別有書身外
能生身絨閤瓊瑤辭願從授真訣逍遙與之俱元和爲
我糧泱泱爲我輿超然不受制造化其焉如

博學

世有博學者浩瀚輕五車一朝臨利害得失爭錙銖亦
有愚曾人詩書無一知感慨激烈生三軍勇不如乃知
學道人不在多讀書讀書而無得翻爲不義賓不如屏
耳目游心於靜虛虛明一以照收攝無遺餘不見鄧林
木森聳千尋林根柢苟不漑枯槁立可須勸君漑萌芽
莫羨鄧林枝

樓居

壯懷夙不禁江山久流浪遲暮筋力衰棄置筇杖兀
兀坐小樓蕩蕩消群障推窓忽有時身在千峯上
名山攬遊思緘置此樓中光律未貼妥磊砢撐心胸澆
以太和酒蕩之清冷風北窓成一覺提挈歸鴻濛

濟南守劉應谷招游太山不果

劉君天下奇去作岱宗伯懸知聽理勤夜半看日出鷄
鳴扶策頭雲封玉檢室勝事憶同懷相期望溟渤
吾聞此山高登之天下外借問登者誰今古知應少未
往神已馳日觀先了了寄語謝劉君爲予護瑤草

壽人同年六十

蒼南巷北通潮汐甲子初週見阿翁我已岩棲食沆瀣

君方市隱混鴻蒙
青山綠樹欣
雪陽春妮未工
更欲乘雲訪蓬閣
可容青鳥寄詩筒

寶刀歌

黃侯遺我日本刀
霜鋒雪刃分秋毫
豐城佳氣久寂寞
見此夜半光摩霄
十年挽撿落溟海
天吳失勢樓船勞
天生我侯爲南國
手提三尺清氛妖
冠于留都歷兩浙
橫行千里蒸黎號
奇兵邀遮剪刀肅
模糊血刃汚征袍
功成宜得封侯賞
直氣不欲干權高
翻從臬司落郡牧
牛刀小試來江切
冰壺照人誰入眼
獨輸樗叢金蘭交
不才濩落久棄置
已牽黃犢耕東臯
干將何來忽生氣
腰鏃倚杖秋旻高
清朝公論皓白日
黃鶴豈可終萊蒿

慙慙高誼報何以短章寄謝羞瓊瑤

自做

飛李自芳妍于予本何有欣厭偶乘之觸目成好醜鑑
空形不疑有影疑盃酒由我不由人矢行弓在手莫謂
已無私私在君知否

李鎮樓見招游小石灣

杖屨千峯酒一卮野人心事使君知交於吻偏能淡
景到秋深更覺奇水國連天坡壁賦風花滿地點雪詩
江山欲別重回首暝色鐘聲送客時

得孫

年來六十始添孫慰得先人地下心喜見箕裘增諸墨

敢希經史博籛金人間湯餅皆投玉天上衣冠共盡
山色一幀還舊眼頗能蒼翠長尋

沈文叔談雲臺石屋之勝賦此

遍訪名山興不窮雲臺石屋未渠通亦知好景天應秘
剛爲君言我亦逢泉響蒼崖飛白道桂芬丹壑定千叢
相看莫訝相知晚多少瓌奇翳阜中

六十自壽二首

一元十萬八千歲我已分深到六旬在世幾能過甲子
從今不用守庚申男兒結束須留樣骨鯁生成耻效顰
分付簷端好花鳥儘教歌樂青春

暮景相將餘病骨忽逢初度轉鮮新旋拋藥裹持盃酒

不離衣冠作主賓守拙自甘從故我宜休天與作閑人
甕然鏡裏看頭髻摩鍊于今是幾身

春林使者惠菊而不以告戲言寄謝

數種秋花思入玄煩君移置草堂邊神仙自古不通姓
臭味吾人結緣秀色不隨苑李後幽姿應出蕙蘭前
江州莫便無消息酒量年來吸百川

贈邊竹所道士

道人高隱洞虛宮養竹千竿箇箇龍六月不愁三伏旱
七星嘗得九龍峯無心圯上尋黃石有路雲間伴赤松
弟子相逢問初度新秋水漸成葑

輓同年楊鶴臺憲長

旅館當年幾見君重遊此地倍愴神心知來日短去日
眼見今人成古人百歲空餘花鳥恨九天嘗與鳳麟親
忍看軒冕經行處楚水滇池薦漢蘋

積水

積水毘陵道歲行凡幾遭五月六月雨一見一回高畦
隴滄新植隄防失故牢津梁無可問木末任輕舠

期連江給事山遊

聞有登臨興揚帆定幾時追隨何敢後信息已先知江
月遲清影新秋待好詩方知大隱者不負碧山期

辛酉大水和水南學士韻

橫流平陸沸於湯遙接扶桑暈可航榆枋豈惟愁燕雀

同梧蕪思病鴛鴦畝畝壤地難成賦歌舞樓臺半入塘
賴有經綸大手筆陽春新什兆平康

題王傳朱炆潭功成身退卷

小試人間世能忘物外閑
黃石裏耕釣白雲間
龍吼時看匣簾垂學閉關
相思不可見叢桂滿前山

歲晚

歲晚猶行役扁舟泛葦叢
青山人影入江心
水光中柳動新春
已農憂卒歲功無能
裨調燮倚伏任蒼冥

除夕讌高尹公署用韻

使君折簡爲春邀春色來從海上遙
欲將鍾鼓迎新歲
故着椒盤樂勝宵
詩向綺羅筵裏得
醉於歌舞隊中消

老我濫竿諸彥後四十一年歌聖主

大雪用韻

萬里寒威似有邀萬花飛舞不辭深
搖野外初疑旭
聲到窓前更徹宵梅蕊壓時春易透
草痕濕處凍全消
却思煖耳承恩日曾踏瓊瑤上早朝

元夕陪諸公讌集再用前韻

華燈明月兩相邀海上神仙鶴馭遙
彩切星河如白晝
喧傳蕭鼓動清宵烟花滿路香難歇
火樹浮空雪易消
翹首北辰光燦爛六鰲此夜駕山朝

贈別陳宜峰憲副

借公無計叩蒼旻折柳相從江水濱
海內公評終自定

古來直道苦難伸
隨珠和璧無瑕玷
白日青天有鬼神
此去扶搖應不遠
佇看麟閣待經綸

辛酉春仲之半城中玉蘭已凋而小園如舊意
若待予歸者因爲賦此

闌干玉樹幾多枝
藉手東皇祇素絲
有待似應酬宿約
後凋誰敢望仙姿
韻浮朔雪疑姑射
綵結東風勝八姨
不似平章空院裏
種花嘗及看花期

清明日遊黃山和韻

春明御小車
黃山繚繞白雲斜
遊絲夾路繁飛絮
芳草隨風點落花
歌哭百年當令節
江山千古映清笳
試憑絕頂舒長眺
燈火城中十萬家

送李徵川大行奉使還京

使君持節下揚州吳楚江山足勝遊
晴日四郊聞語鳥
煖風三月送歸舟
懷人此別應
愧我無能只一丘
爲語當朝諸大老東南民病幾時休

喜雨東東大

禾苗已長久初收布穀無聲動隱憂
到處三農看雨脚
雲時千樹過風頭
堦前急溜懸鳴瀑
庭際盤渦起旋漚
欲共康衢歌帝力
應書大有頌賢侯
天下猶人總一身
一肢痛處亦吟呻
東倭南盜誅求苦
舊負新逋撫字頻
帝德固應通上載
天心亦似憫疲民
三時未半甘霖霈
四野翻風綠浪勻

魁筆堂四絕和水南韻

此筆省容易曾寫絲

禹丈長試共東皇弄西影

江流千里動文光

東海翻空墨

豈毋因濡染動波瀾
鯨吐鰲擲君休怕

只借先生一硯安

眼中突兀意中闊
咫尺相看德不孤
苦卓定須顏氏子

升堂應待仲由徒

淋漓藝學苦鑽攻
顏老繇僧亦木工
我欲相携共龍鬣

一瓢墨雨潤玄穹

曉望

地氣不到頂青天
閣半山曉起雲
茫茫非人寰
樓

鳥猶在林耕牛已出闌時兩足原隰農夫無一閑豈惟
良苗長綠荀生新班依依五株柳青青九畹蘭耕鑿知
帝力康衢非閉關朗誅古人詩千載清心顏

忘飢亭爲龍溪王君賦

我聞曾參氏道腴飢可忘歌聲若金石三日儲無糧簞
瓢人不堪亦有顏氏子齋心得屢空忘飢故如此吾友
顏曾侶真傳自陽明飽德不飽肉結構忘飢亭我曾私
淑來學得忘飢法良知以爲田耕耨謝堰拔君歸刻溪
去我亦向澄江江流似溪水開門兩洋洋古來大智人
嘗食不嘗拉欲識箇中真請向斯亭覓

友泉吟贈饒山人

我聞洪都之山富泉石靈秀往往生異人嗽流洗耳不
願仕自與泉石相爲鄰饒生產洪都清泉遶衙門有時
出山試小技往往寸匕回陽春古來庖丁氏躊躇能通
神迺知至理本無二承蜩舜治俱天真我願持君之術
獻丹陛蘇枯起痿坐致四海無呻吟君行勿深藏具茨
有前聞

同張靜思長科黃斗南道長安膠峯食憲夜乏
芙蓉湖

微茫煙艇浮三鼓嘹唳笙歌沸五湖林下四人原共榜
得前專席更推吾情連檻外微微雨漏盡城頭啞啞鳥
莫訝沉醉不知曉高懷得似此宵無

九月七日遊慧山是日小雨

徙倚泉亭上依然往日心山川還舊識松檜已成陰僧
供清溪茗泉分碧社吟不因微雨滑高步入雲岑

徐君陽濱六十詩以壽之

瑞日祥雲生紫煙徐君此日盛賓筵自古定知仁者壽
于今且作地行仙西來王母應萬里東望蟠桃閱大千
試掃蓬萊候青鳥我來携手看桑田

登樓

踏破虛空俯次寥踈身垂臂見盧敖人生暮讎人間話
難却人間始覺高

荅黃斗南遼陽見寄

一去遼陽逾廿年故人白髮定脩然遙知憶却江南冠
怕聽傳來塞北煙志士捐軀終報國書生讀易自探玄
與君相去不相隔賴有秋深鴈足傳

江頭分首是何年世事翻雲覆雨天賣友豈惟方冊見
論文誰出使君前春深採木嫌山淺秋熟滋禾樂水便
更擬誅茅結精舍相期同老辟支禪

田家即事

水蒲苗新草亦稀垂楊風颺綠簑衣前溪過雨山更好
高樹生雲鶴未歸聽牧村中歌杳杳逢農原上語依依
寄言接武群龍者切莫明時賦式微

即景

綠樹村中生紫煙夕陽移影下
半川晚山洗爭不留雨
一片孤雲獨自還

清溪草堂

浮玉渡落等虛舟宇宙容吾寄
一丘地僻已知魚鳥樂
林深蕪愛草堂幽江聲遶邑滋
新穀雨氣衝山到小樓
四顧煙霞無不可會心何必更
滄洲

題延陵勝覽圖

爲愛延陵好披圖展勝遊青峯
連白下綠水到滄洲
草樹春申浦衣冠季子丘拂衣
疑近水欲上釣魚舟

借陽濱憲部應各憲副連江給
諫遊虎丘用韻
鬼桀何年孽此丘我來春盡綠
陰稠吳宮草樹千重合

一
陽
陽國樓臺幾度遊流水遠隨青舫盡好山閑與白雲
年來鮮得無生理不慕人間萬戶侯

宴佛國寺贈毛雙渠道長

佛閣岩堯一望餘綺筵高敞接天居絃歌別我十年後
驄馬逢君二月初南國澄清看攬轡二坑遺愛憶懸魚
時艱正藉經綸手遲爾乘輶上碧虛

金陵道中

江平春水綠於凝短褐扁舟過秣陵老去遊懷猶自長
興來詩思覺偏增參差樓閣林端見葱蒨郊原雨後登
最是鐘山更奇絕萬年王氣鬱層層

江訪王賜谷

訪友滄江外論交細雨前招邀青眼客珍重白雲篇
水濶疑無地舟行覺有仙美人猶在望回首隔蒼煙
每日江頭望孤山一翠螺如何三日雨孤負一朝過
滄海烟波渺夫君道義多何時尋宿約明共高歌

卜算子

塵說塵寰堪洗耳每逢佳境便支頤更深獨上釣臺去
雨步月明人不知

萬朵芙蓉秋影裏數竿修竹夜光中清修已覺非人世
底事憑虛欲禦風

壽朱翁

朱翁八十五矐子方而圓行遊不須扶來往如飛仙扁

舟入囊華從予訪詩篇云此手所植聊以供饗食隨從
買市來如學得心傳我聞而笑翁言無乃偏囊有
佳實我腹空便便持實以甘何異餐雪感翁意慙
慙聊爲申一言古有無相色亦有琴無絃此意安期得
可受不可傳翁歸試問之朗咏蓬壺天

挽盧見吾

豈不欲留子其如觀化何花塘春色暮薤里夕陽多浩
劫終湏盡浮生豈有他祇餘遺跡在從爾後人過

贈鄧薇山作客山

希府

春明花柳暗長汀珍重夫君在此行五百島中齊義士
三千泗上魯儒生直從夜半看紅日不向人間問啓明

定知無着處，橐中常貯小蓬瀛。

學道

學道仍依俗，爲僧不離家。生正隨地得，濁酒到村賒。禮
德交遊少，心空草木嘉。有時風雨夕，鷗鷺共前沙。

張氏園中海棠

洛陽名花不勝數，我曾閱之此花可。丰姿幻，公東皇
色相由來尚西府。君家此種何處來，百年厚地深培栽。
果然積久發，必大虬枝鉄幹摩雲雷。扁舟蕩漾城南角，
宿與花神曾有約。主人不惜酒如澠，折簡相招對花酌。
初疑翠幃秀層層，忽復晴霞光燦燦。綠嫩凌風舞袖輕，
朱英點地金鈿薄。玉樓勝會那可常，金谷高風今復作。

宴酣日落趣歸船其往夜深花睡著

病起書懷四絕

暑氣初消豁病眸強携筇杖一登樓掃空萬里秋
秋色惟看青山在樹頭

一派清音樹杪傳滄浪擊壤盡天然千年寂寞悲揚子
底事江亭只草玄

順流終擬到逢原大海爭如一勺泉我願世人皆自得
莫將多寡競陳編

晚知精一是歸依從此桃源更不迷放棹不須漁父引
悠然到處武陵溪

氏州第一賀日恭戎得

師府新開轅門高揭正宜威萬里瑞靄繽紛行烟馥郁
况是端陽節氣星精遙降彩雲中釋迦抱致渥渥神駒
海中僊果一時靈異祖武曾看帶厲盟將門無忝河
山誓歡溢蓬弧音諧律呂已見崢嶸器漢鄧禹宋曹彬
活人多慶流苗裔比德聯芳從此後螽斯繼繼

桂枝香并序贈耿兵憲忠齋調官山西

伏以滔滔江漢壯猷仰闡外之元戎屹屹藩宣貞吉
藉師中之長子恩隆推轂寄重千城允茲文武之材
寔繫邦家之望恭惟某官執事詩書世澤閭閻家聲
難爲弟難爲兄文不華邦一榜挺同胞之彥越內服
服勳名之重深賞了之思爰開府于吳中

威于海。一。不。壞。之。臂。以。抗。車。輪。皇。
旅。載。揚。築。鯨。鯢。之。以。爲。京。觀。瞻。茲。澤。國。甫。沐。深。仁。
赫。爾。王。章。忽。頒。新。命。採。宿。望。于。遼。陽。之。野。信。南。征。北。
伐。之。皆。宜。陪。會。推。于。薦。剡。之。中。知。出。將。入。相。之。非。遠。
琴。書。南。國。欲。借。寇。以。無。由。張。鑑。北。門。諒。非。準。而。不。可。
聊。陳。短。闕。用。贊。永。言。詞。曰。

海。不。揚。波。正。氛。稔。全。消。京。觀。新。築。千。仞。樓。幾。似。盡。羣。所。
綏。綏。東。南。列。徽。仰。長。城。席。未。煖。又。臨。西。北。公。業。如。山。八。
恩。如。海。願。公。百。祿。憶。昨。宵。清。言。屏。燭。領。遼。左。嘉。猷。聖。
人。心。目。天。爲。我。明。開。泰。降。神。位。獄。大。夫。志。在。經。綸。更。
說。恁。天。涯。海。曲。看。取。四。夷。咸。賴。一。人。膺。受。多。福。